

---

DISSERTATIO CIRCULARIS

---

EXHIBENS

MIRACVLVM  
SOLIS ATQVE LVNAE  
IN HEMISPHERIO GA-  
BAONIS ET AIALONIS AD  
MANDATVM IOSVAE  
STANTIVM

IOSVAE X. v. 12. 13.

---

QVAM

DIVINO NVMINE CLEMENTISSIME ANNVENTE

PRAESIDE

M. PETRO Becker,

SCH. PAT. RECT. MATH. PROF. PVBL. ET PHIL.  
FACVLT. h. t. DECANO

DIE OCTOBR. A. O. R. M. DCCIII.

PLACIDO AMICORVM COLLOQVIO SVBMITTIT  
RESPONDENS

ISAACVS HOEPMANN,

COLB. POMER.

---

IENAE  
RECUSA SCHILLIANIS. 1739.

58700 (23)







## PRAEFAMEN.

**V** Nam esse & eandem vbique tam Scripturæ quam naturæ veritatem, & eam vtrobique in rebus mere naturalibus harmoniam & consensum, vt nec ista huius dictamini, neque vero hæc istius assertis vnquam reuera contradicat, evictum satis dedit in controuersia illa Hoffmanniana *Albertus Gravverus* lib. de *unica veritate*; consentientibus dubio procul & consensuris, quotquot æquo rem omnem iudicio ponderauerint. Satis igitur prudenter satisque caute grauissimus ille Hipponensium Præsul quondam Augustinus lib. i. de *Genesi ad literam* (dignissimo sane, quem legant sedulo obseruentque, quotquot Scripturæ veritatem cum natura conciliare conantur) cap. XVIII. *si quæ, in rebus obscuris & ab oculis remotissimis, inquit, scripta legerimus etiam diuina, quæ possunt salua fide aliis atque aliis parere sententiis, in nullam earum nos præcipiti affirmatione ita proiciamus, vt, si forte diligentius discussa veritas eam labefactauerit, cor-*



ruamus. Quæ & alia multa, his similia, Autoris verba Reuerendum Daniæ Theologum *Brunsmannum*, acerrimum alioqui Scripturæ, eiusdemque normatiuæ etiam in naturalibus potestatis, vindicem eo perducere valuerunt, vt Tractatus, *Gratia natura interpret*, lib. I. c. I. non tantum Galilæi verba, satis tamen dura & aduersæ parti maxime fauentia, prouti ipse ibidem citauit eadem, toleret, sed etiam p. 4. adiiciat: *data in rebus communibus demonstratione, ob proprietatem sacrarum literarum & apparentem cum iis pugnam, eas negari minime posse.* Quamuis enim hallucinari dicantur, & a veritatis tramite aberrare Copernicanorum illi, qui, Scripturam sacram vulgi erroribus sese accommodasse, tenaciter defendunt, quorum e numero nominandus præ aliis erit acutissimus alias *Wittichius* in *Consensu Veritatis Scripturae cum Philosophia*, oppugnatus non tantum a *Brunsmanno* l. c. sed a *Iac. Boisio* in *Veritate sacra contra Wittichium*, aliisque: *Gassendus Instit. Astron.* lib. 3. c. 10. vt & *Animaduers. in Epicuri Meteorol.* Tom. Op. II. p. m. 840. seq. *Megerlinus Syst. Mundi Copern.* p. m. 73. seqq. *Galileus Galilei* (hæreseos propterea a Congregatione Cardinalium damnatus & abiurare opinionem illam coactus, vti prolixius citatis Cardinalium decretis historiam refert *Ricciolus Almag. Noui* Tom. I. lib. IX. Sect. 4. p. 495. seqq.) *Keplerus Mystério Cosmogr.* aliique infinite multi; ea tamen Philosopho præsertim Christiano cauta vbique adhibenda est moderatio, vt, sicuti nullum in Philosophia assertum ceu verum agnoscit firmumque quod sacris literis rite intellectis re vera contradicat, ita contra in rebus mere naturalibus certis & euidentis-



tissimis nulli Scripturae interpretationi, apparenter verae, re ipsa tamen erroneae, temere subscribat, quae, literae textus vel quasi consona, rectae tamen rationi e diametro aduersetur. Quemadmodum enim vnicus tam Scripturae quam naturae, & veritatis in vtraque fundatae, autor est & Dominus, verumque vero nunquam est contrarium, ita, si quid sensus bene dispositi, & ratio recte se habens, & experientia certa verum deprehenderint, Scriptura sacra illud non poterit vel deprehendere vel asserere falsum. Equidem is ego non sum, qui Scripturam sacram in rebus naturalibus ad solius naturae analogiam explicandam esse, censeam cum *Megerlino* loco iam cit.; multo minus qui naturam gratiae interpretem vel dicam, vel ab aliis crasso cum errore dictum probem; ceterum nec illis possum assentiri, qui res naturales, nec in fidei articulos deducentes, necessariis inuictisque ex natura argumentis veras deprehensas, ideo tamen negare sustinent, quod ei dictum aliquod sacrum specie tenus videatur aduersari; vti factum esse constat ex *Elencho*, vel a pueris hodiernum eluso, *Zachariae Pontificis* Sec. 8. in *Vergilium* illum *Episcopum Salisburgensem* terram vndiquaque habitatam & hominibus, adeoque *Antipodibus*, circumfusam asserentem, prouti non sine ludibrio Pontificum illud argumentum persecutus est max. *Reuerendus Röberus* *Disp. de Matheseos Sacra Definitione*, quam nuper vna cum *Spicilegiis Biblico Mathematicis* denuo impressam exhibuit *Excellentissimus Dicelius*, conf. *Spicil.* I. p. 15. 18. it. *Lansbergii Comment.* p. 12. 13. vt vt ipsum Pontificis elenchum *Ricciolus Almag. Nov. Tom. II. lib. 9.*



p. 489. 490. quouis modo excusare studeat. Quapropter, sicuti Scriptura est lingua DEI, natura vero digitus DEI, iudice *Keplero in notis ad cap. 1. Mysteriorum Cosmogr.* ita eandem utrobique veritatem a fonte omnis veritatis offerri nobis tam est certum, ut, *sicubi vel de terra vel de coelo vel id genus aliis occurrat, quod sapientes veracibus documentis potuerint demonstrare, ostendendum nobis sit, nostris sacris literis non esse contrarium*, monente Augustino l. c. cap. 20. ut adeo apparens ista contradictio tollatur. Cui quidem de Scripturae & naturae vnica veritate controuersiae sicuti ansam dare poterat hypothesis illa Solis in centro locati, terraeque motae Copernicaea (viti vulgo audit) rationi quidem facile vero similior & consentanea magis quam altera illa moti Solis Tychonica, sensibus & Scripturae conuenientior visa plurimis; ita operae videbitur pretium, ea Scripturae loca perlustrare, quae huic materiae inferuire poterunt. Quamdiu vero harum hypothesium neutra inuictis & apodicticis quidem rationibus ex natura, s. sensibus s. rationi s. experientiae innixa, demonstrata fuerit, tamdiu textus quidem sacri literae sine erroris s. metu s. periculo inhærendum esse videtur. Est vero locorum istorum hoc thema proponentium, primus & primarius facile, quem Iosuae X. caput v. 12. & 13. proponit; conferendis tanquam parallelis Hab. 4. v. 11. Syrac. 46. - - 5. Cuius quidem loci potiores hac vice circumstantias, moderante Spiritu veritatis in omnem nos veritatem ducturo, in specimen Disputat. Circular. paucis perlustrabimus.



# CONSPECTVS DISSERTATIONIS.

PRAEFAMEN DOCET, EANDEM SCRIPTURAE  
ET NATURAE VERITATEM, IN REBUS NA-  
TURALIBVS SEDVLO CONFERENDAM.

- |   |   |
|---|---|
| §. 1. Verba <i>textus</i> , miraculum<br>complectentis, <i>occasionem</i> &<br><i>connexionem</i> recenset. | §. 6. Quomodo Sol & luna <i>ste-</i><br><i>terint</i> , demonstrat.                             |
| §. 2. Quo diei <i>Tempore</i> conti-<br>gerit miraculum, inquit.  | §. 7. Quomodo <i>steterint e re-</i><br><i>gione Gibeonis &amp; Aialonis</i> ,<br>ostendit.     |
| §. 3. <i>Locorum</i> , vbi euenerit,<br><i>situm</i> & <i>distantias</i> inuestigat.                        | §. 8. Quodnam sit <i>medium</i> il-<br>lud <i>coeli</i> , quo <i>stetisse</i> Sol di-<br>citur. |
| §. 4. <i>Miraculum</i> omnino fuisse<br>in genere euincit.  | §. 9. Quam diu <i>durauerit</i> mi-<br>raculosa hæc <i>statio</i> , demon-<br>strat.            |
| §. 5. Quid per <i>Solem</i> & <i>lunam</i><br>h. l. intelligatur, explicat.                                 | §. 10. Concludit.   |

## §. I.

**M**iraculum stantis ad mandatum Iosux solis atque  
lunæ explicatu-  
ros, præmittere omnium primo  
oportebit & verba sacri textus originalia, & suc-  
cinctam antecedentium, quæ occasionem mi-  
raculo dederunt, cum textu nostro connexionem, vt  
omnia euadant magis lectori perspicua. Sunt autem ori-  
ginalis textus, miraculum hoc stricte proponentis, quæ  
sequuntur verba: שמש בגבעון דום וירח בעמק אילון ויעמד השמש בחצי  
יורם השמש וירח עמר — ויעמד השמש בחצי  
יורם השמש ולא אץ לבון כיום תמים quorum sen-  
sum latine nos ita reddimus: Sol contra Gabaon quiescas, &  
luna contra vallem Aialon, & quieuit sol & luna stetit ---- &  
stetit sol in dimidio coelorum, & non festinauit occidere sicut die  
perfecto. Non ablu-  
dente multum ab hac nostra B. Luthe-  
ri germanica versione. Huic quidem textui iungimus il-  
lum, quem Hab. IV, 11. deprehendimus שמש ירח עמר:  
Sol



Sol & luna stetit. vt & Syrac. XLVI, 4. *Οὐχὶ ἐν χειρὶ αὐτῶν ἀνεπόδισεν ὁ ἥλιος, καὶ μία ἡμέρα ἐγένεθη πρὸς δύο.* Ceterum occasionem miraculi quod concernit, crediderim ipsum capitis huius X, cum præcedentibus collati, textum verbis maxime euidentibus descripsisse illatum Gabaonitis abs Amorrhæorum quinque Regibus bellum v. 1. -- 5. & imploratum ab his, urbem suam corona capi, sibi que indies arctiora omnia reddi cernentibus v. 5. Iosua potentissimi Israelitarum ducis ( cuius societatem dolo nuper pacti erant, iuxta c. IX. ) auxilium v. 6. Iosua itaque omnem fere exercitum ad pugnam paratum e Galgale mouens v. 7. firmato diuinitus animo v. 8. factoque vel per noctis caliginem itinere, improuidis nihilque eorum metuentibus hostibus superuenit v. 9. eosdemque, incusso desuper pauore territos, commisso circa urbem acriter prælio, ingenti clade perculit, & per accliuia & decliuia Bethoronis Accam vsque & Macedam fugatos strenue persecutus est v. 10. Hostibus autem plurimis partim immissa a DEO ipso grandinis plaga, partim ferro Israelitarum prostratis, v. 11. cum acriter instaret fugientibus reliquis Iosua, veritus vt fatis sibi lucis, ad delendos vniuersos, superesset, ipsum solem, ne occideret, sed splendore suo illum Gabaonis & Aialonis tractum illustraturus supra Horizontem, deficiente licet omnis naturæ lege, conspiciendum se præberet, allocutus, lunæ quoque, ad noctis dominium a DEO conditæ, cursum inhibuit.

## §. II.

Præcipue hic temporis habenda nobis erit ratio, quo euenerit in cœlorum isthoc magnifico expanso miraculum. Equidem quo præcise mundi anno, certis suis, vti fas erat, numeris determinabili contingerit, tacente plane Script. S. fide atque authoritate Historicorum omni exceptione maiorum destituti, determinare frustra allaborabimus; satis habituri, dixisse: in primum aut secundum  
ad



ad summum annum a miraculoso populi Israelitici per Jordanem transitu ab Autoribus, historię sacrę contextum secutis, probabiliter illud coniici. Non minus crediderim fore difficile, certam huic miraculo anni tempestatem mensē aut diem destinare. Rabbīnorum enim affirmantium: *quod illa pugna contigerit בתקופת חמון* circa solstitium Junii nobis aestiū, quando sol in summo cœli fastigio videtur hominum capitibus impendere, teste Münstero ad h. l. cit. Oper. Crit. Angl. tanta mihi non videtur autoritas, ut fides illis hac in re sit habenda, incertis insuper, vtrum in plenilunio, quod nonnulli volunt, an nouilunio, quod alii, fuerit; notante Abarbanel Comment. in Jos. c. X. In quam vero diei cuiuscunque demum partem, præeunte quidem Scriptura S. remittendum sit, diuersa est autorum sententia; aliis meridiem, vesp̄eram aliis, aliis vtrumque defendentibus. Commentatorum maior, & dixerim maxima, pars meridiem vel ex hac sola ratione tuetur, quod sol in medio cœlo dicatur constitisse, id quod non nisi in meridie fieri posse opinati sunt; facile, ut credo, vesp̄eram defensori, dummodo saluari citata modo verba possint. Vesp̄ertinum tempus qui eligere maluerunt, ad verba ista: *non festinauit sol occidere* prouocant, per medium illud cœli aliud, quam lineam meridianam, intelligentes. Apparentem hanc textus sacri contradictionem declinaturi Rabbīnorum aliqui, citati a supra dicto Abarbanel ad h. l. duplicem fingunt Solis stationem: alteram circa meridiem, alteram circa vesp̄eram, omni licet fundamento cæteroquin destituti. Nobis quidem probabilior eorum sententia, qui vesp̄ertinum tempus tuentur, adhuc est visa, idque ob sequentes potissimum rationes; I. Occidentis iam iam solis expressa textus litera, non sine summa necessitate (hic tamen exulante) deferenda, facit mentionem: *Sol non festinauit occidere*. In eo ergo erat, ut occideret, & occidisset extemplo, nisi inhibitus esset, ut deinceps di-



cendum erit II. connectendi particula וְ, non sine emphasi alteri illi בְּיוֹם הַהוּ &c. addita, & ab ea tamen utique longe diuersa, indice quasi digito innuere videtur, Josuam, cum solem occasui vicinum conspiceret, verba hæc mandatoria locutum. Quam eius particulæ emphasis erudite satis urget *Abarbanel* c. l. dicens : לפי שהיה זה סמור לשקיעת החמה וראה השמש יורד לחכנס תחת הארץ בנכחיות גבעון והתחלה הלבנה להראת עולה מן הארץ בעמק אילון id est : *quoniam hoc esset prope occasum solis, & videret solem descendentem, ut congregaretur sub terram e regione Gibeon, & inciperet luna apparere ascendens e terra in valle Aialon &c.* In quem fere modum *Mafius Comm. in Jos. ad b. l.* addit : Probabiliter videtur dici posse, imperatorem fortissimum non ante sollicita ista vota fecisse, quam diem in vesperam inclinatiores, victoriæ vero magnam partem restare animadvertisset, veritusque fuisset, ne appetens nox prælium citius dirimeret, & securam hostibus fugam afferret III. Prælium istud circa Gabaonem commissum & מכה גדולה בגבעון insignis illa clades, quinimo persecutio fugientium hostium a Gibeone Acecam vel Macedam vsque, non maiorem tantum diei partem sed omnem fere extraxerat, uti apparatus bellici peritis facile patebit, præsertim si locorum istorum distantia simul habeatur ratio. IV. addere licebit, quod culminante sole Josua de occasu eius vix videatur potuisse cogitare; quod lunæ faciat mentionem probabiliter ad oppositionem vergentis, adeoque plenæ fere; quod, sole in dimidio cæli posito, non statim meridies inferatur &c. Quæ & alia sententiæ nostræ probabilitatem conciliare persuasus sum.

### §. III.

Temporis momento subiicienda merito foret loci, ubi contigerit ad mandatum Josuæ hoc miraculum, qua situm & distantiam descriptio. Verum quid in tam diuersis & plane inter se dissonis Geographorum, de memoratis  
in



in textu nostro locis, opinionibus determinandum nobis sit, vix liquet, adeo vt quæ in genere de difficultatibus Geographiæ sacrae & autorum contradictionibus erudite monuit Clarissimus M. J. H. in der Vorrede der kurtzen Fragen aus der Geographia sacra, huc omnino quadrare videantur. Equidem in designando horum locorum, quoad tribus Israeliticis situ, facile autores conueniunt. Sic enim Bethoronem & Gabaonem in Tribu Benjamin; Acekam & Makedam in Tribu Juda; Aialonem vero in Tribu Dan sitas fuisse, teste præsertim Scriptura Sacra, fortes Tribuum describente, non est qui in dubium vocare audeat. Quod si autem quis ad eorundem locorum definitas a singulis autoribus in gradibus & minutis longitudes & latitudines (siue in constructis iam mappis, quales & Heidmannus in Geogr. Sacra & Adrichomius in Descript. Terræ Sanctæ aliique; autores vel sine libris suppeditant, siue insuper in catalogo, quem ex Ptolomæo & Zieglero adduxit Henr. Bunting. Itiner. S. Scripturæ p. 22. seq.) attendere et inuestigare exinde locorum interualla voluerit, non leuem vbique deprehendet discrepantiam. Illud tamen vel maxime mirum videri posset, quod, cum distantiam Gibeonis & Aialonis (quorum præcipue allegata a nobis sacri textus verba meminerunt) Adrichomius, vt & Heidmannus 4. ad 5que; milliarium germanicorum statuunt, quod Gverkius Exper. Magd. c. 8. §. III. asserat: loca hæc non milliare germanicum a se distare; & Bunting. Itiner. S. Scripturæ p. 102. Von Gibeon ist Josua gereiset bis gen Aialon eine halbe Meile da hat der Mond stille gestanden, & Osiander Comm. in Jos. X. P. III. p. 79. Vnius leuæ distantiam defendat; adeo vt facile appareat, circa hanc materiam rationibus firmis plane nullis, sed solis Geographorum longe disfidentium iisque dubiis autoritatibus fundatam, certi quicquam definiri non posse. Quod si Rabbiorum assertis fidem adhibere quis voluerit, eam di-



etorum locorum distantiam deprehendet, quantam, praesertim cum grauiori agmine, intra diei semissem emetiri Josua non potuisset notante illud Erasmo Francisci *Lust-Haus der Obern-Welt* p. 894. Unde רשי hoc loco ad vocem Aialon רחוק מבבוען שהרי בבוען בגבול בנימון quæ tamen auctoris ratio parum vel nihil probat. Quinimo sesquidiei interstitium Gabaonem & Aialonem inter constituenti contradicit *Mafius cit. loco*. Ceterum Aialonem Gibeoni fuisse occidentalem, in australiorem plagam quodammodo inclinatham, consentientes habebimus auctorum plurimos.

#### §. IV.

Rationem vero & modum huius miraculi, notabilioribus quibusdam circumstantiis in textu nostro descripti, quando explicaturi tandem sumus, vel ex solo harum pagellarum titulo constare arbitror longe nos esse ab iisdem alienos, qui vel ex principio Atheistico, vel excoecatæ mentis caligine miraculum hic nullum admissuri, ratione quadam naturali illud contigisse contendunt. Priorum e numero dubio procul censendus erit *Spinoza*, qui *Traët. Theol. Polit. c. 2.* diuturnioris (vt voluit) lucis causam statuens solito maiorem ex glacie, quæ tum in aere erat, radiorum solarium, refractionem, c. 6. fatetur: *Pio quodam dolo ad decipiendos Ethnicos, solem adorantes, partim ex religione, partim ex præconceptis opinionibus hebraeos longe aliter concepisse & enarrasse, quam reuera contigit.* Cui iungendus utique *Peyrerius Syst. Theol. l. 4. c. 5*, qui non solis corpus sed lumen eius superfuisse ait, eiusdemque occumbentis fulgorem ciuitatem & montem circa Gabaon verberasse, vt effugeret *Amorrhæi* non potuerint. Qui Autores, quod verbis adstruunt miraculum re ipsa plane euertunt, citati pluribus & refutati satis ab Excell. *Reyhero in Matth. Mos. circa hunc Josue locum*, adeoque a nobis hoc loco non excutiendi. Posteriores classem constituunt Rabbīnorum isti, qui ob rationis



tiones plane lepidas & ridiculas ex parte (v. c. quod solare corpus sphaericum ob rotunditatem stare non possit; item quod Josuæ hac ratione miracula forent maiora, ipsis miraculis Moyſis, & quas non alias) opinati sunt: *Luminaria reuera non stetisse, sed visa tantum stare ob breuitatem temporis, quo Israelitæ deuicerint hostes, quod quidem erat negotium multorum dierum, quasi dicere Josua voluerit? Da domine, ut isto tam breui intervallo vlciscamur nos de hostibus nostris, quanto sol stabit contra Gabaon & luna supra Aialon, prouti ita ipsorum mentem Vatablus Comment. ad h. l. cit. Oper. Crit. Angl. proposuit, confer Erasmus Francisci im Lusthaufs der Obern. Welt p. 891. seq.* Omne itaque miraculum in accelerata tantum Israelitarum victoria ponunt. vid. quoque *Osiander Comment. in h. l.* quam quidem horum Rabbino- rum hypothesin ab Abarbanel in h. l. Josuæ iam destru- Etam citasse erit refutasse. Jungere vero illis commode licebit *Autorem Hist. Schol.* cuius meminit *Abulensis in Reg. quest. 25.* qui sidera naturaliter stare posse affirmavit, rationibus adductus, vti admodum infirmis (v. c. ex annuis solstitiis, Planetarum statione aliisque desumendis) ita facile soluendis. Sicuti autem miraculum hic & quidem longe maximum cum Scriptura nos agnoscimus, ita motæ terræ hypothesin (suo a nobis loco cæteroquin relictam) illud vel euertere vel eidem derogare quicquam ne illi quidem concedunt, qui hypothesin hanc alias maxime damnare solent. Proinde quando contra istam *Füllerus Misc. c. 15. p. 99.* ita disputat: *Libenter quæram ex istis hominibus quid tandem arbitrentur miraculum esse &c. recte responderi autumo: æque magnum esse & manere miraculum, ex quacunque demum hypothesi illud deducere quis velit.* Vnde perbene *Brunsmannus Grat. nat. int. l. 5. c. 29. p. m. 369.* ait: *Si demonstratum esset terram circa solem moveri quotidie, solem tamen motu vertente posse esse diei & noctis causam, sic vt per miraculum fisti diceretur, cum verti desinens omnium luminarium ferias induceret.*



## §. V.

Vt itaque Josua Solem iam iam occiduum per miraculum, omnes naturæ vires excedens, in Hemisphærio Gabaonis & Aialonis supra Horizontem conspiciendum retineret, eundem vna cum luna spiritu plane heroico & diuinitus firmato allocutus est. Vbi quidem est quod miremur dari nonnullos, qui h. l. non ipsum Solis corpus intelligere malunt, quam spurium aliquod, & supposititium, recens a Deo in hunc solum vsum conditum atque productum, quod occidente vero sole fulserit, lucemque Josuæ desideratam dederit. Quo in errore verius quam opinione *R. Kimchium fuisse Autor est Olearius* Com. Jos. X. p. 81. conf. etiam de שם טוב Masius Comment. ad h. l. Sicuti enim temere & absque vlla necessitate contra Scripturæ literam hoc ipsum fingunt, ita Scripturam eidem reclamantem dicere pro excutiendo hoc figmento sufficiet. Sunt etiam qui pro obtinendo hinc alio conspectuario splendorem potius solis quam ipsum solem intelligi abs Josua voluerunt, a literæ sic proprietate ad metonymiam delapsi, idque ex hac (ceu arbitrantur) necessitate: Quod sol & luna iubeantur stare, & stetisse deinde dicantur *in Gibeon & in valle Aialon*, ad quæ tamen loca substantia luminarium nunquam, bene tamen splendor eorum atque lumen peruenerit. Huc dubio procul collimat *Guerkius Exper. Magd l. c.* vbi tamen notandum intelligere eum splendorem solis, iam infra Horizontem constituti, residuum. Alio quidem sensu *Foscarini* cit. a *Wittichio* Consens. Verit. p. 658. §. 813. *Potest hoc ita accipi, ut non proprie corpus solare, sed solis splendor substituerit, ex eo, quod non ipse sol, sed terra splendorem eius recipiens motum suum steterit, quæ sicut ordinarium suum motum orientem versus indefinenter persequendo, solis splendorem in occidentem accepisset, ita immota manente, immotus etiam stetit solis splendor in eam impressus.* Conf. Copernicanorum illi qui nullum hic solis motum admittunt. Quemadmodum autem hypothesin autoris suo nos loco relinquimus, nondum apodictica quadam naturæ veritate ad deferendam Scripturæ literam redacti; ita nulla hic nobis qui-



quidem videtur necessitas cur ad metonymiam confugientes, luminarium intelligamus splendorem potius, quam corpus & substantiam vti deinceps ostendemus. Iniurius tamen in dictum hunc Autorem fuerit, quisquis ex his eius verbis collegerit, statuere eum: splendorem solis sine sole tanquam causa proxima superfuisse; id enim duntaxat voluit, immoti solis splendorem, moto obiecto illuminando, ex vna eius extremitate in alteram deuehi; & immoto contra obiecto immotum quoque stare posse, id quod negari non potest. Conf. *Misanders Bibl. Ergetzl.* Jan. 1695. Restat ergo dicendum ipsum verum solis corpus hic intelligi. Quamuis enim de lumine ad superandas hostium reliquias sollicitus esset Josua, quia tamen, Sole ex oculis eius sublato & infra Horizontem depresso, non paterat non omnis etiam splendor euanescere, ipsum etiam corpus solis superesse iussit. Quod vero cum Sole etiam lunam stare voluerit, non eadem omnibus visa fuit ratio. *Autor Mirabil. Scripturae S. l. 2. c. 4.* Non etiam inquit, quod ad belli illuminationem luna tunc in praesentia solis proficeret, stare imperatur, sed ne quid incongruo luminarium meatu per vnus quietem & alterius motum destrueretur. Contra illuminationis ergo id factum esse censet *Guerkius c. l.* quando ex hoc ipso coniecturandum esse, ait, tum temporis, cum Josua stare solem iussit, illum occiduum, lunam vero orituram fuisse NB. ut soli occidenti ea succederet. Neutra nobis ratio probatur: non prior: sic enim non apparet, qualis illa ex motu lunæ metuenda in orbibus iactura, per Dei, miraculi huius auctoris, omnipotentiam non facile vel restituenda, vel euitanda. Non posterior: Nititur enim illa falsæ auctoris hypothese, de splendore solis iam occidentis in cælo residuo. Rectius me quidem iudice illi, qui luminaria hæc duo, in diei noctisque dominium a Deo condita Gen. 1, - 16. a Josua, vtriusque vicissitudines vel permutaturo vel inhibituero, subsistere & ἀναποδίζεν quasi iussa esse affirmat. In quem fere modum *Clarissimus Masius* ad h. l. factum illud est, inquit, quia hæc duo præ ceteris spectabilia astra pro iis orbibus posita sunt, quorum conuersione diei & noctis



*noctis conuersio efficitur.* Ceterum cum Josua vtrumque luminare dubio procul in cœlo conspexerit, vero simile omnino & maxime probabile nobis videtur, lunam in eo tum fuisse, vt ad oppositionem vergeret; sic enim, sole in Horizonte occiduo constituto, luna versus orientalem plagam posita omnium maxime corruscare, hominumque ferire oculos deprehenditur. Quamuis enim quosdam Rabbīnorum ipsam coniunctionem lunæ & solis, adeoque nouilunium, tueri non diffitear, neque etiam me lateat tam *Heuclium Selenogr. p. 282.* quam *Keplerum Opt. Astron. c. 6. sect. II.* statuere: lunæ nouæ corpus in cœlo circa meridiem conspici posse; imo Anno 1553. Hispali conspectam esse notante eodem Keplero in nou. Stell. Serpent. cap. 24. Cum tamen prius illud sine fundamento vllō a Rabbīnis dictum sit; & posterius plane insolens atque rarum & per vitæ nostræ tempora nondum contingens; adhæc tubis potius quam nudis oculis obseruandum; non video cur ad istas difficultates dilabendum nobis fiet, præsertim si verba textus בגבעון בעמק אילון commodè explicari, stante etiam oppositionis luminarium hypothesi, queant.

## §. VI.

Excutienda porro erit quæstio: quid sibi velit ista luminarium statio, abs Josua desiderata & impetrata? Voces in textu præcipue duæ occurrunt עמר & דמם. Posteriores hanc proprie quidem *silere, conticescere*, metaphorice autem *quiescere & subsistere* significare satis constat; emphasin autem ipsius e plurimis Scripturæ locis parallelis propositam vide sis apud *Olearium Bibl. Erklahr. h. I. & Misanders Bibl. Ergetzl. Mens. Ian. 1695.* Vter vero hoc in loco significatus obtineat. ipse contextus & materia, vt loquimur, substrata & verbi insuper עמר, huic Synonymici, collatio facile euincit. Vnde optime *Masius* ad hanc vocem: *Etsi TACERE interdum significet & hanc significationem secuti sint hebraei, verior tamen mihi visa est LXX. & Symmachi sententia, qui omnes per insistere morari & quiescere acceperunt, hanc enim dilucide veram verbum עמר ostendit.*

Eius



Eius enim vocis significatio, minus æquiuoca, stationem, subsistentiam & permanfionem omni dubio procul arguit & infert. Cumque verbum **לַמָּנָה** non de luna tantum, sed & ipso sole in textu nostro v. 13. nec non Hab. 4. - 11. expresse a Spiritu S. adhibita sit, nescio vnde *Zimmermannus Script. Coperniz. Part. II. c. 1. §. V.* Argumentum pro hypothese Copernicana inde elicere tam audacter conatus sit, quod Scriptura vocem **לַמָּנָה** de luna & non de sole vsurpare voluerit; quod ipsum eius argumentum necessario sic corruet. Ceterum stante hac vocum hebraicarum emphatica significatione, omnimodam vtriusque luminaris quietem & stationem arguente, a veritatis tramite vtique aberrasse dicendus erit R. Chas-dai citatus & refutatus abs Abarbanel dicto sæpe loco; qui opinatus est: Solem non perstitisse, sed retardatum quasi lentiori duntaxat motu incesfisse; adductus forte illa loquendi formula, quæ *solem non festinasse vt occideret* textus affirmat; conf. *Erasmus Francisci* l. c. p. 892. cui quidem interpretationi fauere videtur *Chaldaus Paraphrastes*, qui vocabulum **לַמָּנָה** quod est *prolongari, produci* adhibuit. Verum sola hæc denegatæ festinationis phraseologia, recte explicanda, genuinam vocabulorum **לַמָּנָה** & **לַמָּנָה** significationem tollere neutiquam valebit. Nihil itaque adhuc residet dubii, quin reuera quietum steterit, & a motu suo cessauerit vtrumque luminare. Iuxta quem vero motum & sol & luna steterint, expressa Scripturæ litera non asseuerante, ex circumstantiis eruere oportebit. Sed vero cum lo sua imminentis noctis tenebras arceri, diemque sic vltra solitas naturæ vices prolongari vellet, manifesto apparet, illum inhiberi motum, quo dierum noctiumque vicissitudines per ortum & occasum luminarium introducuntur. Tantum quidem ex Scripturæ hoc contextu; reliquis ex natura supplendis. Triplicem autem vtriusque luminaris motum, vt ex Astronomia patet, vel solus hominum sensus nedum experientia & ratio deprehendit. Motum scilicet in vtroque sic dictum *primum* s. *communem*, quo ab ortu in occasum cum omnibus sideribus aut voluuntur aut volui saltem apparent; & *secundum* siue *proprium* quo ab occa-



su ortum versus vel progrediuntur, vel progredi saltem apparent; quibus accedit *tertius*, in sole quidem *gyrationis* circa centrum, in luna vero *librationis* sic dictus, ex maculis utrobique obseruabilis. Ecquis vero horum iste demum sit, qui ortum & occasum siderum, adeoque noctis & diei vicissitudines inferat atque causetur, circa illud quidem momentum in diuersa longe abeuntes videas Astronomos. *Tychonici* motum *primum* & *tertium* pro vero, *secundum* pro apparente agnoscetes, priorem defendunt, solemque, cum luna reuera ab ortu versus occasum moueri solitum, constituisse & ab hoc suo motu cessasse contendunt. *Copernicani* motum *primum* pro apparente, *secundum* autem & *tertium* pro vero agnoscetes, *tertium* defendunt, solemque circa suum centrum gyrari, eaque sua gyratione, reliqua planetarum corpora adeoque terram ipsam secum rapere solitum, immotum constituisse, & reliquis etiam Sideribus, adeoque & terræ, quietem induxisse ex parte contendunt. Quem ex his motum textus sacer h. l. innuat, expresse non additur, adeoque & nos (neutrobique apodicticis argumentis victi) nil certi determinaturi, dicimus: Vtrumque per hunc Scripturæ textum (aliis hac vice vel sepositis, vel Theologorum Cathedræ reseruandis) æque facile posse defendi; plane ad exemplum *Exell. Reyberi*, qui cit. loco p. 606. *nihil ex recensione hac determinari posse*, affirmat, *quia eadem utrobique res obtinetur*. Et sane perplacent allegata iam supra *Brunsmanni* verba l. 5. c. 29. p. 369. quibus stante hypothese Solis, circa suum tantum centrum agitati, ne sic quidem iustam esse causam, ad speciem & apparentiam discedendi, asserit; sic vt vertigine quotidiana circumagitatus sol, verti nunc desinens, omnium luminarium ferias induxisse dicendus esset.

#### §. VII.

Progredimur ad explicanda, quæ scrupulos plurimis mouerunt haud leues, sacri textus verba: quibus Sol בָּגִבְעוֹן & luna בְּעַמֵּק אֵילָן stare iubentur. Non desunt qui ineuitabili necessitatis lege literam hic textus deferendam canunt, nisi apertissimum inde secuturum absurdum velis admittere.

Quan-



Quando enim textus & בְּנֵי עֵינַי & שְׂמִים stetit Sollem expressis verbis affirmat, vix conciliari posse visa est illis, nisi alterum reuera, alterum apparenter duntaxat dictum acceperis. Vnde *Gverkius* cit. sæpe loco, *sequeretur*, inquit, *quod Gibeon & medium coeli esset vnum idemque*; quo argumento suam inter alia hypothesin de splendore solis stabilire conatur. Sed recte quidem hanc autoris consequentiam refellit *Francisci* c. l. p. 878. Si quid in coelo e certo loco terrestri conspiciatur, non statim sequi, & locum illum terrestrem e quo, & coelestem in quo videtur, vnum esse & eundem. Sol enim in hemisphærio coelesti subsistens Gibeone conspici poterat, verum inde coeli & terræ locus non erit idem. Sunt porro etiam, qui verticem Gibeonis & Aialonis, & punctum Zenith hac loquendi formula innui contendunt. Vnde *Osiander Comment. Ios. p. 80. stabat Sol ea coeli parte, qua illud diuiditur in duas æquales partes nempe circa punctum verticale in sphaera recta*, & *Münsterus* ex mente hebræorum ad h. l. refert; pugnam contigisse, quando Sol in summo coeli fastigio videtur hominum capitibus impendere. Verum sic concedendum esset, Solem Gibeoni, & lunam Aialoni apparenter tantum fuisse verticalem. Constat enim Sphærologiæ vel leuiter peritis, Solem sphæaræ temperatæ habitatoribus nunquam fieri posse verticalem eoque minus, quo magis a tropicis recedunt, cum idem ab æquinoctiali ad summum digrediat  $2\frac{1}{2}$  gradus fere, quanta sc. est maxima Eclipticæ, & in ea solis declinatio. Iam vero, omni Palæstina intra sphæram temperatam redacta, Gabaon speciatim & Aialon intra 31. & 32. latitudinis gradum fuerunt sitæ. Quod si igitur miraculum hoc fuisset circa solstitium nobis brumale, a vertice horum locorum distitisset sol ad 54 gradus, qui 810. millaria germanica (pro quibus *Megerlinus Syst. Copern. p. 77.* ponendo certum numerum pro incerto, ultra 500. habet) in terræ globo conficiunt; si vero circa alterutrum æquinoctium, a puncto Zenith abfuisset sol 31 gradus, qui faciunt 345. millaria; si tandem circa solstitium nobis æstiuum, ad minimum 8. gradus, qui faciunt 120 millaria, sol a vertice remotus fuisset. Alii



ad lineas Gibeonis & Aialonis meridianas confugientes, solem in Gabaonis, lunam vero in Aialonis meridionalem lineam reponunt. Sed præterquam quod vesperscente coelo probabiliter contigisse hoc miraculum supra diximus, difficile omnino videtur Iosiam distantiam linearum meridionalium dictorum locorum nudo oculo obseruare potuisse, quæ, vtut 5. vel 6 milliarius in globo terrestri interuallum statuas, ipsis tamen oculis plane est insensibilis. Copernicanorum nonnulli statim hic confugiunt ad suam hypothesein de Scriptura ad vulgi captum se attemperante. Vnde Megerlinus c. l. p. 77. *Manifestissime, inquit, locutus est Iosua tantummodo ad apparentiam, tunc enim sol non solum in Gibeon, sed etiam in his nostris regionibus & in tota terra hemisphærio erat.* & Wittichius Conf. Verit. aph. 841. p. 682. *Accurate loquendo non magis sol in Gibeone potuit dici consistere, quam in aliis quibuscunque locis sub eodem Horizonte cum Gibeone sitis.* Quæ ipsa vtriusque autoris verba, dummodo vulgi errorem a Scriptura arcerent, tolerari forsitan possent. Reuera enim, quotquot supra Horizontem eleuatum videre poterant solem, eundem quoque subsistere poterant, dum vellent, animaduertere, quod negari non potest. Propter ea tamen non dum sequitur, locutam hic esse Scripturam minus accurate & ad apparentiam quidem, non autem rei veritatem. Vnius enim positio non est alterius exclusio; Gibeone sol stetisse dicitur, non negato, quod & in aliis terris statio ista obseruari potuerit. Verum dicendum nunc tandem, quod res est. Quemadmodum sensum mentemque verborum egregie satis exprimunt *Vinarienses: Sonne, wie du ietzt zu Gibeon gesehen vvirst, so bleibe also stehen, und gehe nicht unter biß vvir unsere Feinde gerochen haben &c.* Consensientibus & Batauis ad verba *Gibeon & Aialon: staet stille Sonnete dier plaetse, daar ghy nu syt, en gaet ons niet onder, ter wyle wy in Gibeon stryden, ende Maen en brenght ons ten nacht niet an: Ita quoad verba בעמק אילון & בגבעון dicimus, commode eas verti posse: contra Gibeon & contra vallem Aialon. Notante enim Noldio in Concord. part. p. 145. seq. particula ׀ infinitis in locis proprie contra significat. Quare*

et-



etiam autor mirabilium Scripturæ S. L. II. c. 4. sic reddidit illa verba: *Sol stetit contra Gabaon* &c. & Rabbiorum plurimi particulam ם h. l. per נכח quod est *e regione* exprimere maluerunt. Et hanc ipsam verborum vel versionem vel significationem fusius & exquisite satis persecutus est *Brunsmannus* c. l. p. 376. seqq. Neque vero ob stare nobis poterat, quod Excellentissimus *Reyherus* Matth. Mos. p. 598. seq. istam particulæ ם versionem in Peyrerio tanquam falsissimam redarguat. In eo quippe est Celeberrimus Vir, ut inspidam auctoris hypothesin, ex hac sola versione fundamentum sibi conciliaturam, refellat, adeoque alteram particulæ ם significationem vrgendo ostendat, hæc si obtineret, corruere omne & vnicum Auctoris fundamentum. Ceterum & hoc notamus: quando sol e regione Gibeonis, & luna e regione Aialonis dicitur stetisse, non præcise ipsas intelligi vrbes, sed omnem inter illas, earumque confinia tractum, & loca, campestria, ut adeo Solis atque lunæ corpora, sicuti in ista planitie tum temporis Iosux apparebant, perstare iubeantur. Quod quidem colligitur (1) ex generali scopo Iosux, qui itinera hostibus fuga ablatis & a se persequendis, passim repleta solis splendore voluit esse illustrata. (2) ex eo, quod vallis ista, hoc loco Aialonis dicta, Ies. XXVIII. 11. a propheta, miraculi huius mentionem iniiciente, vallis Gibeonis dicatur. Vnde *Masius* c. l. recte quidem inferre voluit, eam planitiem utrique vrbi communem, Macedam vsque pertigisse, & locum hic eundem utrobique significari. (3) ex infinitis aliis Scripturæ locis, in quibus eadem loquendi ratio obtinet. Sic enim, præsertim in metricis, singulæ fere paginæ aliquot offerunt phraseologias eiusmodi, ubi duarum vel trium enuntiationum subiecta & prædicata promiscue permutari, & vnius prædicatum alterius subiecto, & vice versa, tribui commodè potest, ut euolenti vel solos Psalmos XCVI, 11. 13. XCVII, 1. 8. CII. 4. 7. 12. 23. CIII. - 7. 10. CIV. 4. 7. CV. - 6. 9. 10. 23. CVI. - 22. erit manifestum. E quibus hac vice notamus CIII, 7. ubi dicitur: *Mosi notas fecit vias suas, & filiis Israel opera sua*, hoc quidem sensu, ut & Mosi & filiis Israel, vias & opera sua patefecisse dicendus sit DEus. Ita pariter h. l. Sol & luna stare iubentur in tractu illo,



illo, & planitie Gabaonico-Aialonica, non enim Sol magis e regione Gibeonis quam Aialonis stetit videtur.

§. VIII.

Explicandum porro, quodnam sit חצי השמים medium illud coeli, cuius v. 13. fit mentio. Nonnulli hic ad verticale punctum eo lubentius recurrunt, quod prior illa loquendi ratio §. præc. explicata saluari hac ratione ipsis videatur; sed quo fundamento illud dici possit ibidem ostendimus. Qui vero meridiem in hoc miraculo defendunt, vnico huic fundamento innixi, de linea meridiana ortum ab occasu quasi diuidente, illud explicant. Verum Sole prope occasum constituto, vt nos quidem probabiliter euicimus, sententia ista sponte corruet. *Ioh. Iac. Zimmermann* iuxta hypothesin Copernicanam hoc dictum explicaturus, *Script. Coperniz. P. II. c. 1. p. 37. & Exerc. Theor. p. 127. Prop. 2. de centro vniuersi* illud explicat, ratus, cum de linea meridiana explicari non possit, nullum superesse aliud coeli medium, nisi meditullium seu centrum coelorum. Sed vocabulum חצי de meditullio quodam seu centro nunquam explicabitur, vtpote quod dimidiatam partem potius, quam centrum significat, radice sua illud demonstrante; quare & Chaldaeus paraphrastes vocem חצי quod dimidium proprie denotat, vsurpat. Sunt qui per medium coeli quodcunque coeli spatium, seu coelum ipsum simpliciter, non habito ad certum locum situmue respectu, intelligi asserunt. Ita plane *Francisci c. l. p. 877. das vvirld nach geuwoehlicher Red-Art mitten am Himmel genandt, vvas unsere Augen am offenbahren Himmel bemercken, ob es gleich nicht vertical oder Scheitel recht über uns stehet.* Quibus consona sunt, quae habet laudatus sæpe *Brunsmannus l. c. p. 380. Stetit sol vere & proprie in medio coeli, cum in coelo supra Horizontem staret conspicuus*: id quod phrasibus biblicis & locis N. T. probat, quibus *in medio alicuius rei est in ipsa re.* Quam virorum istorum explicationem probabiliorem ego quidem crederem, si pro חצי in textu foret קרב quæ non tantum eo sensu adhibetur in Scriptura V. T. (v. c. Gen. XLV. 6. vbi קרב הארץ *in medio regionis* seu terræ illius est *in ipsa regione*) sed & græco vocabulo μεσσηνίας Apoc. VIII, 14. allegato a Brunsmanno conuenire magis videtur. Restat itaque dicendum: Per medium seu dimidium coeli h. l. indigitari, dimidiatam illam coeli superioris nobis & visibilis partem, quam vsitato in Astronomicis vocabulo *Hemisphærium* dicimus, respectu scil. habito ad Aialon & Gibeon. Quæ ipsa explicatio & voci textus & sensui adeo nobis satisfacere videtur, vt reliqua omnia cum eo stare, & plurimæ sic difficultates tolli queant; mirumque nobis sit, cur isthæc *Abarbanelis* obseruatio locum non inue-



inuenerit, quando Comment. in h. l. ait: **בכר ידעת שהשמים אשר**  
**הם ממעל הארץ נכח ראשינו יקראו חצי השמים לפי שהחצי**  
**האחר מהשמים הוא למטה מן הארץ** & paullo post **בחצי**  
**השמים איו חצי חיום ולנא יתחייב ממנו אבל בהיות השמש**  
**למעלה מהאופף יומר שהוא בחצי חשמים** quæ sic vertimus:  
*Iam ante constat quod illa pars coeli, quæ est supra terram e regione*  
*verticis nostri, dicatur dimidia pars coeli (HEMISPHERIVM)*  
*quoniam altera illa medietas coeli sub terra est, & deinceps. In di-*  
*midia parte coeli non statim est dimidium diei, neque enim exinde se-*  
*quitur, sed existente sole supra Horizontem dicimus eum esse in dimidio*  
*coelo. Et propterea verba hæc adiici crediderim, quod splendor so-*  
*larium radiorum ex refractione aliisque causis residuus, Sole iam in-*  
*fra Horizontem depresso, terras illustrare aliquantisper valeat. Quod*  
*ne tum quoque accidisse arbitrere, emphatice additur: Solem, vt vt*  
*Horizonti occiduo vicinum, non occidisse tamen, sed in ipso visi-*  
*bili Gibbonis & Aialonis hemisphærio conspicuum, lumen quaquã*  
*versum in terras istas sparsisse: Vt vel sola hac loquendi ratione refel-*  
*lantur satis, qui ad resplendescentiam & refractionem refugere ma-*  
*lunt, de quibus supra.*

§. IX. Quæ adduntur tandem i verba **ולא אץ לבוא כיום**  
**ו non festinavit occidere sicut die perfecto**, præceptum in noctem  
diei (supernaturaliter deinde prolongati) tempus, me quidem iudice,  
arguere videntur, adeo vt verba Excellentissimi Reyheri Math. Mos.  
p. 599. §. 8. hypothesin illam vesperscentis iam iam coeli falsissimam  
pronunciantis, ex feruore satis laudabili in peruersam explicationem,  
ad naturales causas miraculum hoc reducturi Peyrerii prouenisse  
credam. Nec vero male hic vocabuli **ו** emphasin vrserunt nonnul-  
li, afferentes: Incubuisse Solem quasi Horizonti, premendo eum,  
urgendo, arctando, occidere tamen non valuisse: *Es hatte nemlich die*  
*Sonne nicht Krafft noch Vermoegen, sich, vwie sie am Vntergang pflæget,*  
*den Augen der Menschen eiligst zu entziehen.* Neque etiam omne exi-  
mere videtur dubium, quisquis solem, a linea meridiana deflectere  
incipientem, occidere dixerit. Pari enim ratione orientem quoque  
solem ad occasum vergere dixeris, mira tamen vocum transpositio-  
ne, ortum cum occasu, noctem cum die facile permutante. Adde  
quod inter mirabilia DEI referat Amos (alio licet forte significatu)  
VIII. 9. Solem circa meridiem occidere. Ceterum cum non occidisse  
prius sol, quam die perfecto, dicitur, mirum sane, quod tam alienas  
ab hoc textu opiniones de duratione huius miraculi foueant nonnul-  
li. Sic enim Rabbi Chasdai unius tantum horulæ semissem pestitisse  
contendit; referente illud *Francisci* c. l. p. 892. & trium horarum  
moram placuisse *Tolet* l. 4. *Phys.* c. 14. quæst. 16. Autor, est *Riccio-*  
*lus*



*lus* Almag. N. T. 1. Lib. 9. Sect. 4. p. 482. Spinosa quoque cit. supra loco diuturniorem quandam ex refractione lucem obtrudere conatur. Quæ tamen omnia quomodo huic textui conciliari queant nondum video. Expressis enim verbis perfecti diei mora asseritur, quam si conferas verbis Syrac. c. XLVI, 5. *μία ἡμέρα ἐγενήθη πρὸς δύο* dici non potest, quam inter se discrepent in definienda miraculosi huius solstitii quantitate Autores conf. *Ricciolus* c. 1. alique ab eo allegati. Speciatim autem hebræorum alii cum R. Ben Levi 24. alii cum R. Eliezer 36. iterum alii cum R. Bar. Nachmani 48. horas, diuersimode quidem nunc primæ solis stationi circa meridiem, nunc motui inde ad occasum, nunc iteratæ stationi circa Horizontem distribuendas, huic miraculo assignant, docente illud Abarbanel Com. in Iosua, & ex eo *Francisci* dicto sæpe loco. Verum si quid hic certi determinandum fuerit, notanda erit inter diem artificialem & naturalem differentia. Naturalis quippe dies in 24. horas, quibus reuolutio ista seu solis seu terræ diurna peragitur, descriptus, diem artificialem comprehendit noctemque, non habito ad sphaeræ terrestris positum respectu, adeo ut in septentrionalibus locis, ubi perpetuus tamen solis supra Horizontem existentis splendor diem facit sine nocte, sua etiam ratione locum habeat. Artificialis autem dies, solis supra Horizontem commorantis momenta complexus pro loci latitudine variat. Cumque perfecti diei fiat hic mentio, verosimiliter colligimus, loqui textum de naturali, non artificiali, die. In sphaera enim obliqua ecquis artificialium perfectus dies dici meretur? vtrum qui paucissimas, an plurimas, continet horas, an demum qui medium obseruat inter vtrumque? Nisi vero cum *Maimonide lib. מורה נבוכים* Par. 2. c. 35. longissimum diem dixeris perfectissimum qualem solstitiali conuersione sol conficit. Quamdiu itaque de anni tempore, Solis loco in Zodiaco, & terrestris loci latitudine nondum constiterit, ne diei quidem artificialis quantitas, ne dum miraculosi huius solstitii duratio in horis definiri poterit. Quod si tamen, ut omnino videtur, de naturali hic sermo sit, dicerem cum *Clauio*, *Munstero* aliisque: Solem per 24. horas (quæ constituunt *יום תמים*) in Horizonte immotum esse visum, ita tamen ut adiectis horis diurnis, intra quas ab ortu versus occasum translatus apparuit, vere dici a Syracide possit: *μία ἡμέρα ἐγενήθη πρὸς δύο*; & in textu non erat dies antea nec post huic conferendus.

§. 10. Ceterum sufficiant ista hac vice; cum præsentium pagellarum ratio non permittat, ut ad reliquas quæstiones (v. c. de Chronologia, de die huic non simili, de ortu & occasu solis, de profanorum Scriptorum testimonio aliisque) nos dilabamur. Sit interim

DEO Optimo Maximo, & in operibus suis maxime mirabili  
laus, honor, gloria sine F. I. N. E.